



# basic education

Department:  
Basic Education  
**REPUBLIC OF SOUTH AFRICA**

## SENIOR CERTIFICATE EXAMINATIONS

TSHIVENDA LUAMBO LWA HAYANI (HL)

BAMMBIRI LA U THOMA (P1)

2016

MARAGA: 70

TSHIFHINGA: Awara 2

Bammbiri ili li na masiatari a 13.

**NDAELA NA MAFHUNGOTHANGELI**

1. Bammbiri ili li na KHETHEKANYO THARU:

KHETHEKANYO YA A:	Tholokanyondivho	(30)
KHETHEKANYO YA B:	Manweledzo/Samari	(10)
KHETHEKANYO YA C:	Zwivhumbeo na milayo ya kushumisele kwa luambo	(30)
2. Fhindulani mbudziso DZOTHE.
3. Thomani khethekanyo INWE na INWE kha siatari LISWA.
4. Hune khethekanyo INWE na INWE ya fhelela hone ni talele.
5. Nomborani phindulo dzanu zwi tshi anana na kunomborelwwe kwo shumiswaho kha ili bammbiri la mbudziso.
6. Ni tshi fhedza u fhindula mbudziso iinwe na iinwe ni pfuke mutualadzi.
7. Ni dzhiele nzhele mupeleto na kufhatelwe kwa mafhungo.
8. Tshifhinga tsho anganyiwaho:

KHETHEKANYO YA A:	Minetse ya 50
KHETHEKANYO YA B:	Minetse ya 25
KHETHEKANYO YA C:	Minetse ya 45
9. Nwalani nga vhudele, nahone zwi no vhalea.

**KHETHEKANYO YA A: THOLOKANYONDIVHO****MBUDZISO YA 1: U VHALA U ITELA ḶHALUTSHEDZO NA U PFEESA**

Vhalani TSHIBVELEDZWA TSHA A NA TSHA B uri ni ḫo kona u fhindula mbudziso dzo disendekaho khazwo.

**TSHIBVELEDZWA TSHA A****VHE NELUSHI O LIWA TSHAKHUMA**

- 1 Vho-Thanyani ndi munna we a vha a tshi dzula kha la Vondwe na mufumakadzi wawe Vho-Luula. Vho vha vha na vhana vhavhili vha vhatukana, tanzhe o vha e Thikho ngeno lucedzi e Rotondwa. Misi yothe vho vha tshi wanala vhe vhothe afha hayani, mapfene o tsitsa vhana. Vho-Thanyani vho vha vha tshi shuma sa muofisimukonanyi kha Muhasho wa Vhulangavhuendi, 5 ngeno Vho-Luula vhe mabalane kha Muhasho wa Pfunzo. Nga nthani ha yone demokirasi, Vho-Thanyani vho diwana vha tshi vho shuma Tshwane.
- 2 Vho-Thanyani vho thoma vha sa fhidzi u ya u dalela muta wavho mafheleloni a riwedzi muñwe na muñwe ngeno hayani. Kha hu ri zwenezwi vha tshi khou shuma henehfa Tswane, vha mbo di tswiwa mbilu nga muñwe musidzanyana wa Mutswana we a vha a songo naka zwone. Vho ri vha tshi tou posa la vhusiwana, Mapule a mbo di li tanganedza, ha mbo di vha u khunyelela fułetheni ya Vho-Thanyani. U bva afho vho mbo di fhurwa nga lwone lufuno vha ya vha dzula nduni ya Mapule ye ya vha i na phera nña fhedzi. Hezwi two ita uri hayani vha sa tsha lu vhea. 10
- 3 Vho-Luula vho bva na u rwela mukalaha wavho luingo vha vhuya vha tou neta nge phindulo ya vha nthihi ya uri ndi khou balelwa tshifhinga nga nthani ha wone mushumo. Huñwe luingo lwavho lwo vha lu sa farwi. Vho-Luula vho ri u wana maduvha a u awela mushumoni vha mbo di tou ri, vhe kule ndi hu si na wau vha livha Tshwane. Vha tshi swika fułetheni ya munna wavho vha wana i tshi ndi a pfumelwa. Fułetheni ho vha hu tshi vho dzula vhana vha dzenahao yunivesithi ya hanefho tsini. Vho-Luula vho wana vho tou hanganea thovhela. Ndi hune vha yo edela ngafhi vhusiku vhungafhano? 20
- 4 Vho fhiwa vhulalo ha vhusiku honoho, nga li tevhelaho vho mbo di vhusiku sala nduni vha ya mushumoni wa munna wavho. U bva tshee vha bebwa vho vha vha sa athu u nyaliwa na u sundiwa nga muthu sa helo duvha. Vho ralo vha vhudzisa munna wavho vha ri: 'Ndi ngani vha sa fhinduli thingo dzanga?' Vho-Thanyani vha tshi fhindula vha ri: 'Ndi vha ndi sa dzi pfi, nahone ibvani ofisini yanga.' Vha tshi tou kwaña nga muñango, Mapule a vha a tshi ri thi tañwi afha ofisini ya Vho-Thanyani. Yo! Vha pfa ho tou vuwa maseo na mapwapwalala, 25 vha mbo di huma vha dzenahao ofisini. Iteli vha wana zwifhungu two kuvhatedzana. Nangoho wa wanala lundani a hu tshe na vhudzumbamo. 30

Vho-Thanyani vho mbo di vhudza Vho-Luula bangakupalula uri khuvhani vho diwanelo nyanenge wavho. Mufumakadzi wa khuvhe vho tou pfa u nga vha khou tou lora. Mapule o vha a tshi sokou tswe, a sevhedza nga u mwemwela. 35

- 5 Vho-Luula vho mbo di bva afho nga luvhilo ndevhe dzo dzinga, vha livha vhuiimabisi vha vhuyelela kha la Hanyatshikamuroho. Nga li tevhelaho vho mbo di bubela Makonde ha mazwale Vho-Masala u vha shela nga mboni ye vha tangana nayo. Yo! Iteli gegulu li si na muduhulu li pfa mafhungo o no sina. Mme a Vho-Thanyani vho toolola othe vha tshi ita vha tshi shela muño. Vho vhudzwa u pfi ndi luraru musi Vho-Thanyani na Mapule vha tshi sia khofhe afha mudini wa Vho-Masala. Vho-Luula vho takuwa vha tshi fhufhura ndevhe. 40
- 6 Ngei Mamelodi ho vuwa ljhanya la u engedza nndu ya Mapule. Yo no tou vha lidu li si na vhukono. Nga murahu ha miinwaha i si mingana, Mapule o mbo di fhura Vho-Thanyani uri vha dzhie masheleni a phensheni maduvha a sa athu u swika. Vho-Thanyani vho bva na u hana vha vhuya vha tenda. Vho ri u isa mabambiri a u dirula mushumo, miinwedzi i si mingana tshelede ya mbo di dzhena banngani. Lufuno ndi bofu iwe vhathu, khezwi Vho-Thanyani vho mbo di kumedza Mapule garata ya banngani vha vho tou fhiwa ya u direngela zwenezwo zwine vha zwi lila zwi si gathi. 45 50
- 7 Mapule o mbo di shanduka sa mutsho a thoma u dzima Vho-Thanyani zwiliwa, a fhedza o vha sundela mukhukhuni u re hanefho mudini we vha tou bvela biko. Nangoho fuyu litswuku a li kundwi tshivhungu. Linwe duvha Mapule o mbo vhuya na linwe liduna. Nga mbilu u vhavha Vho-Thanyani vha fhedza vho dodela vha ya vha thetshelesa zwi no khou ambiwa ngei nduni; matsina ho vha hu tshi khou lukwa la u vha milisa tshivhindi. Vhusiku honoho vho mbo di puta vhuda havho vha rwa vha tshi sendedza. 55
- 8 Ndi afha vha tshi ya vha dibandutshedza mishashani ya vhathu vho shavhaho mahayani avho. Ndi henefho he vha mbo di tangana na munwe munna a no bva Kapa we a vha o shakuliswa nga mufumakadzi na vhana nge a vha a tshi dzhia tshelede ya mundende a tamba ngayo mitshini ya hodelani. Vhuvhili havho vho vha vha tshi tshila nga u humbela thuso kha vhoramimodoro dzirobothoni. Vho-Thanyani vha humbula u humela murahu kha Vho-Luula zwa vha fara thaha. 60
- 9 Vho-Luula zwithu zwavho afha hayani two no vha nakela. Vhana vhavho vha vho dishumela, na mudi vho u vusa wo no tou vha wa mathakheni, ngeno Vho-Thanyani vha tshi dzula vho sokou goo, zwe kweta tshitiko Thanyani wa Vhanyai ... 65

[Zwi bva kha Thimu ya Vhatoli]

## TSHIBVELEDZWA TSHA B



[Zwi bva kha <http://www.google.com>]

## MBUDZISO: TSHIBVELEDZWA TSHA A

- 1.1 U ya nga phara ya 1, ndi tshini tshe tsha vha tshi tshi ita uri mu<sup>č</sup>a wa Vho-Thanyani u tamise? (2)
- 1.2 Ndi ngani Vho-Thanyani vho vha vha si tsha ya hayani misi yo<sup>č</sup>the musi vha tshi vho shumela Tshwane? (2)
- 1.3 No sedza phara ya 3, ndi zwifhio zwe zwa t<sup>č</sup>tuwedza Vho-Luula u tevhela munna wavho ngei Tshwane? Bulani ZWIV<sup>č</sup>HILI. (2)
- 1.4 Vhalani phara ya 4. Ndi mini zwi sumbedzaho uri Vho-Thanyani ndi munna wa mbilu mmbi? Tikedzani phindulo ya<sup>č</sup>u. (2)
- 1.5 Talutshedzani masiandaitwa e Vho-Thanyani vha t<sup>č</sup>angana nao nga nt<sup>č</sup>hani ha u sa fulufhedzea kha mufumakadzi wavho. (2)

- 1.6 U ya nga itshi tshibveledzwa, ndi ufhio muhumbulo muhulwane une muñwali a todou bveledza? (2)
- 1.7 Ni vhona Vho-Thanyani vha na zwiito zwine zwa elana na zwa Vho-Masala mafhungoni aya? Tikedznani phindulo yanu. (2)
- 1.8 Nangani phindulo yoneyone kha mutevhe wo nekedzwaho afho fhasi.
- 'U posa la vhusiwana' ndi ...
- A u vhudza muthu uri u tshisiwana.  
 B u amba nga zwisiwana zwa shangoni.  
 C u ambisa muthu uri a mu fune.  
 D u humbela thuso vhunga e tshisiwana. (1)
- 1.9 Kha mutualadzi wa 39 hu na murero: 'gegulu li si na ... o no sina.' U kwama hani kupfesesele kwañu kwa mafhungo aya? Talutshedzani. (3)
- 1.10 U ya nga ha zwe Vho-Thanyani vha ita, ni vhona lushaka lu tshi nga vha pfela vhuñungu? Tikedzani phindulo yanu. (2)
- 1.11 U ya nga phara ya 5, ni vhona Vho-Masala sa mazwale wa Vho-Luula kutshilele kwavho ku tshi tanganedzea naa? Tikedzani kuhumbulele kwañu. (2)

**MBUDZISO: TSHIBVELEDZWA TSHA B**

- 1.12 Ndi nyimele-de ine muoli a tama u i bvisela khagala nga tshifanyiso itshi? (2)
- 1.13 Talutshedzani vhuleme vhune muthu o taniwaho afho ntha a tangana naho. (2)
- 1.14 U ya nga kuvhonele kwañu, ndi ifhio thuso ine ya nga newa vhatu vha no nga uyo o taniwaho afho kha tshifanyiso? (2)

**MBUDZISO: TSHIBVELEDZWA TSHA A NA TSHA B**

- 1.15 TSHIBVELEDZWA TSHA B tshi na vhuñumani-de na mafhungo ane a wanala kha phara ya 7 kha TSHIBVELEDZWA TSHA A? Bviselani vhushaka uho khagala. (2)

**THANGANYELO YA KHETHEKANYO YA A:** 30

**KHETHEKANYO YA B: MANWELEDZO/SAMARI****MBUDZISO YA 2: U NWELEDZA NGA MAIPFI ANU**

Vhalani TSHIBVELEDZWA TSHA C nga vhuronwane. Tshi t̄andavhudza ndila ine muthu a nga bvelela ngayo kha pfunzo dzawe dza nthā.

**THANYELANI:** Ni lavhelelwa u ita zwi tevhelaho:

1. Nweledzani nga maipfi anu ni tshi sumbedza vhuđikumedzeli ho dziaho ha matshudeni musi vhe yunivesithi/kholidzhini uri vha kone u bvelela pfunzoni dzavho.
2. Nwalani phara yo lunzhedzanaho tshidele, ni shumise maipfi anu.
3. Manweledzo anu a faredze mbuno dza SUMBE nga maipfi a sā fhiri 90.
4. A ni lavhelelwi u dzenisa t̄hoho ya manweledzo.
5. Sumbedzani tshivhalo tsha maipfi mafheloni a manweledzo anu.

**TSHIBVELEDZWA TSHA C****VHUMATSHELO HANGA**

Muthu muňwe na muňwe u tama u ḥivhona a tshi khou tshila vhutshilo ha maňhakheni. Musi mvelelo dza mařiriki dzo bva, u ḥo wana vhaswa i levhulevhū vha tshi ya nthā na fhasi vha tshi ḥoda zwikhala u itela u isa phanđa na pfunzo dzavho kha magudedzi na dzyunivesithi u ya nga u fhambana.

Muswa wa vhuđali a tshi swika gudedzini kana yunivesithi u tou fombe kha zve a ḥela zwone. Vhaļa vho fhelekedzaho vhaňwe u wana vhe kha minzhangamo thovhela vho furalela pfunzo. Muswa u tea u vhekanya zwifhinga zwawe uri a sa kanganyisee a vho kheluwa kha tshipikwa tshawe na buđo ḥawe. Hu di tea u vha na tshifhinga tsha pfunzo na tsha u ḥimvumvusa u itela u awedza maluvhi.

Mutshudeni u tea u ḥibađekanya na vhaiňwe matshudeningae kha sia ja pfunzo vhunga munwe muthihi u sa ḥusi mathuthu. Mihumbulo ya vhatu vhanzhi musi yo ḥangana i ḥisa thandululo kha zwinzhi.

Vhaiňwe nga fhaļa vhe wa li kukuna na ḥoni u ḥo li lača na ḥama. A vha teledzi u tevhela lekitshara he vha si pfesese hone hu u itela u wana nđivho nnzhi na tsivhudzo kha zwino na zwiļa.

Vhaiňwe matshudeni vha shanduka malekитshara nga tsha vhukoma. Vha ḥifha khaedu ya u ima phanđa ha tshigwada vha gudisa vhaiňwe vhane vha sa pfesese, zwenezwo zwi vha thusa kha u tou nweledza nđivho lwa tshothe. U wana vha tshi tou vha vhomasisithesele khazwo u fhira na ene lekitshara muñe wa dzina.

U ɖivha zwa thumbuni ya fuyu ndi nge wa li fhandula, matshudeni vha vhala bugu nga u fhambana hadzo vha tshi ita na ʈhodisiso kha dzilaiburari na u dzhena kha inthanethe vha tshi ʈoða u pfumisa na u ʈandavhudza nɖivho yavho.

Khonani ya muthu ndi bugu, idzi dziñwe khonani dzi ðo ða nga murahu. U khetha khonani vhukuma ndi zwa vhuʈhogwa u itela uri vha ʈuʈuwedzane kha u fara gondo ɿithihi la zwa pfunzo.

Arali ra ɖivha vhubvo hashu na vhuoyo hashu izwo ri ðo bvelela. Ndi nnyi muswa na mulala ane a nga kundwa nga u wana tshipikwa tshawe? Vhumatshelo ndi u tou ðiʈahulela atsina.

[Zwi bva kha *Thimu ya Vhatoli*]

**THANGANYELO YA KHETHEKANYO YA B:** 10

**KHETHEKANYO YA C: ZWIVHUMBEO NA MILAYO YA KUSHUMISELE  
KWA LUAMBO**

**MBUDZISO YA 3: U SENGULUSA KHUNGEDZELO**

Talelani khungedzelo (TSHIBVELEDZWA TSHA D) i re afho fhasi uri ni do kona u fhindula mbudziso dzo disendekaho khayo.

**TSHIBVELEDZWA TSHA D**

**ZWAMADZANGA**



**VHUKIMVI! VHUKIMVI!**

Ri ne vha ZWAMADZANGA ri takalela u vha zwanda zwavho.

Ri vhomakone kha u dzudzanya zwimima zwothe.

Madennde, madafula, zwidulo na malabi a u nakisa ndi ida-u-vhone!

Ri vhabiki vha re na phungo afha Luheni.

Vha songo fhirwa nga mateletele nandi!

Mitengo yashu i tshinisa mbilu dzavho nga dakalo

musi vha tshi toda thuso nga zwifhinga zwa Khushumusi.

Vha nga ri kwama kha: 015 612 9415 kana vha dalele

[zwamadzanga@gmail.com](mailto:zwamadzanga@gmail.com)

[Tshi bva kha [www.google.co.za](http://www.google.co.za)]


**MBUDZISO: TSHIBVELEDZWA TSHA D**

- 3.1 Ndi ifhio ndivho ya mukungedzeli musi a tshi shumisa khephusheni kha iyi khungedzelo? (1)
- 3.2 Ndi mini zwine mukungedzeli a tama u zwi bveledza nga liambele li tevhelaho: (2)  
'Ri takalela u vha zwanda zwavho?'
- 3.3 Bviselani khagala ndeme ya luambo lwa u fhuredzela lwe mukungedzeli a lu shumisa kha khungedzelo iyi. (2)
- 3.4 Kha iyi khungedzelo hu na fhungo asili:  
'Ri vhabiki vha re na phungo.'  
Fhungo ili ndi mbuno kana ndi kuhumbulele kwa mukungedzeli?  
Tikedzani phindulo yanu. (2)
- 3.5 Nangani phindulo yoneyone kha mutevhe wo nekedzwaho afho fhasi.  
Maṭeletele ndi ...
- A zwithu zwi no takadza.  
B zwīliwa zwi no difha.  
C zwithu two nakesaho.  
D malabi matshena. (1)
- 3.6 U ya nga kuvhonele kwaṇu, ni vhona khungedzelo iyi i tshi fusha thōdea dza khungedzelo naa? Tikedzani phindulo yanu. (2)  
[10]

## MBUDZISO YA 4: U PFESESA ZWIŃWE ZWIBVELEDZWA ZWA VHUDAVHIDZANI

Talelani TSHIBVELEDZWA TSHA E uri ni do kona u fhindula mbudziso dzo disendekaho khatsho.

### TSHIBVELEDZWA TSHA E: KHATHUNI



### MBUDZISO: TSHIBVELEDZWA TSHA E

- 4.1 Ndi tshini tshine muoli wa iyi khathuni a tama u tshi bvisela khagala kha FUREME ya 1? (2)
  - 4.2 Talelani FUREME ya 2. Talutshedzani vhuđipfi ha mugudisi no sedza mbonalo yawé. (2)
  - 4.3 Nangani phindulo yoneyone kha mutevhe wo ḡekedzwaho afho fhasi:  
U ya nga khathuni iyi, 'U kela maṭari' zwi amba ...  
  
A u ka maṭari wa fha muthu.  
B u ka muroho wa maṭari.  
C u fha muthu tsheledē ya mabammbiri.  
D u vha khakhathini. (1)
  - 4.4 Kha FUREME ya 4 hu na ḥiaravhi. Ḫi topoleni ni bvisele khagala ndeme yalo kha khathuni iyi. (3)
  - 4.5 Ni a pfela vhuṭungu muambi a re kha FUREME ya 4 kha nyimele ine a vha khayo? Tikedzani phindulo yan̄. (2)
- [10]

**MBUDZISO YA 5: U SHUMISA LUAMBO NGA NDILA YONE**

Vhalani TSHIBVELEDZWA TSHA F uri ni do kona u fhindula mbudziso dzo disendekaho khatsho.

**TSHIBVELEDZWA TSHA F****ZWA GUNWE ZWI THAVHISA THONI**

- 1 Mulatedzi u dzhena heneffa tshikoloni tsha Gondolashu, ndi mugudi wa gireidi ya vhufumi. Vhagudi vha kiłasi yawe vha lila ngae. U tambudza vhañwe vhana nga u vha rwa uri a kone u vha dzhiela dzitshelede dzavho. Kha mafhungo a gunwe a ri tsha amba, ndi maitele a ɻuvha na ɻuvha. Vhana vha tou tambula nga u tshimbila vho hwala mikhwama vha tshi 5 shavha ene.
- 2 Mudededzi Vho-Ravhangka khevha vho dzhena kiłasini vho di fara luñingo lwavho nga tshanđa, u vhea kha ɻafula ndi u rembuluwa vha ñwalañwala kha bodo. U rembuluwa ha vha u sedza kiłasi yavho uri vha kone u isa phanda na ngudo. Vha tshi isa maño fhaña he vha vhea hone luñingo, evho! 10 Luñingo lwo mela milenzhe. Vha tshi vhudzisa kiłasi phindulo ye ndi bva vhubvo. 'A thi nga bvi nga muñango ndi sa athu u wana luñingo lwanga.' Ndi Vho-Ravhangka vha tshi amba vho sinyuwa. Vha tshi isa phanda vha ri, 'Ane nda do mu wana e nalwo u do amba tshe a la.' Vha guduba vho guduba, luñingo do. Ho vho tou vhidzwa muñwe wa vhadededzi uri a tou lu lidzela. Zwo seisaho ndi musi lu tshi pfala lu tshi lila nga ngomu ha zwiambaro zwa Mulañedzi zwa nga ngomu. A tshi vhuddiswa a ri ene ha ñivhi uri lwo dzenisa hani khae. Mapholisa a tshi swika a mbo di mu doba, ilo ɻuvha o edela thumbuni ya lukhohe. 15

[Zwi bva kha Thimu ya Vhatoli]

**MBUDZISO: TSHIBVELEDZWA TSHA F**

- 5.1 Kha mutualadzi wa 3, hu na ñimudi la thendelo. Li topoleni ni dovhe ni sumbedze mushumo waño. (2)
- 5.2 Kha mutualadzi wa 11, hu na ñiambele. Li topoleni ni ñee na ñhalutshedzo yaño. (2)
- 5.3 Ipfi 'doba' (mutaladzi wa 18), ndi pholise. Li shumiseni mafhungoni mavhili a sa fani u sumbedza u pñesesa phambano yao. (2)

- 5.4 Isani fhungo *li* tevhaho kha luambo lwa u vhiga:  
'A thi nga bvi nga mu $\ddot{\text{n}}$ ango ndi sa athu u wana ... lu $\ddot{\text{t}}$ ingo lwanga.'  
Ndi Vho-Ravhangva vha tshi amba vho sinyuwa. (2)
- 5.5 Vhalani mutaladzi wa 14: 'Ane nda  $\ddot{\text{q}}$ o mu wana ... tshe a *la*.' Musi no sedza *ili* fhungo, sumbedzani vhushaka vhune ha vha hone vhukati ha luambo na maanda. (2)  
[10]

**THANGANYELO YA KHETHEKANYO YA C:** 30  
**MARAGAGUTE:** 70